




ROLEX
Franch Michelsen
 ÚRSMÍÐAMEISTARI
 LAUGAVEGI 15 • SÍMI 511 1900
 WWW.SVISS.IS


MARKAÐURINN

Sögurnar... tölurnar... fólkíð...

Er prentverkið
Svansmerkt?

GUDJÓNÓ
 VISTVÆN PRENTSMÍÐJA
 Sími 511 1234 • www.gudjono.is

Miðvikudagur 9. janúar 2008 – 1. tölublað – 4. árgangur

Veffang: visir.is – Sími: 512 5000 

Orðskýring
Hvað er viðskiptavild?



Samson
Sex ára siglingu lokið



Stiglitz
Vandinn blasti við



FORSÆTISRÁÐHERRA Geir H. Haarde segir forsætisráðuneytið ekki taka fram fyrir hendur bankastjórnar Seðlabankans.

Bankastjórnin situr óhöggud

„Seðlabankinn er sjálfstæð stofnun og vinnur samkvæmt lögum. Við gerum engar breytingar á bankastjórninni,“ segir Geir H. Haarde forsætisráðherra aðspurður hvort breyting sé fyrirhuguð á bankastjórn eða stýrivextir lækkaðir á næstunni vegna aðstæðna í efnahagslífinu.

Seðlabankinn heyrir undir forsætisráðuneyti en hefur sætt harðri gagnrýni síðustu vikur.

Geir sagði Seðlabankann vinna í samræmi við lög um bankann en ríkisstjórnin sinni eigin starfi. Hann, sem forsætisráðherra, geti ekki tekið fram fyrir hendurnar á bankanum. Slíkt sé í trássi við lög.

Skrúfað fyrir skortsölur

Skortsölur í fjármálaferli um skráðum í íslensku kauphöllina hafa verið bannaðar. Undanþága er hafi seljandi bréfin „í sinni vörslu þegar sölutilboð er lagt fram, enda tilkynni viðkomandi án tafar um viðskiptin til Fjármálaeftirlitsins“ eins og fram kemur í tilkynningu FME.

Ákvörðunin tók gildi í gær og gildir fram til 16. janúar á næsta ári. Fyrirtækin sem um ræðir eru Kaupþing, Landsbankinn, Glitnir, Exista, Straumur og Spron.



TrackWell

Tíma- og verkskráning
Flotastýring og eftirlit
www.trackwell.com

HELST Í ÚTLÖNDUM

Endurskoða spá | Alþjóðagjald-eyrissjóðurinn (IMF) varar við því að tap vegna lélegra veða í Bandaríkjunum gæti farið yfir 1.400 milljarða dala (yfir 137 þúsund milljarðar króna). Fyrri áætlun gerði ráð fyrir 945 milljörðum dala. Hvatt er til samhæfðra aðgerða þjóða.

Vinnuhorfur Evrópu | Atvinnuleysi innan Evrópusambandsins mælist 7,5 prósent í nýjustu tölum Eurostat, hagstofu ESB, sem er 0,5 prósentustiga aukning frá áramótum. Eurostat áreittar þó að atvinnuleysi innan sambandsins hafi aldrei verið minna en um áramótin.

Vilja breytingar | Þýsk stjórnvöld kunna að skilyrða aðstoð við banka í örðugleikum við að breytingar verði gerðar í stjórnendahópi þeirra. Krafan yrði til að vernda hag skattgreiðenda og forða frekari áföllum.



CDS markaður | CME Group og Citadel Investment Group boða innan mánaðar stofnun rafræns markaðar með skuldtryggingarálag (CDS, eða Credit Default Swap) sem rekinn yrði í samstarfi við miðlæga greiðslujöfnunar- eða uppgjörstöð. Félögin bjóða til sölu hlutabréf í markaðnum.

Andfætlingar lækka | Seðlabanki Ástralíu hefur lækkað stýrivexti úr 7,0 prósentustigum í 6,0 prósentustig. Lækkunin er mun skarpari en búist var við. Bankinn segir hagvaxtarhorfur réttlæta hana, þótt verðbólga sé enn yfir markmiði.

Óbreytt í Japan | Tuttugasta mánuðinn í röð hefur Seðlabanki Japana ákveðið að halda stýrivöxtum þar í landi óbreyttum í 0,5 prósentustigum. Bankinn reynir að ýta undir með hagkerfinu sem orðið hefur fyrir neikvæðum áhrifum frá Bandaríkjunum og Japan.

Landsbanka synjað um þrautavaralán

Lögðu fram veð upp á 2,8 milljarða evra fyrir 500 milljóna evra láni. Fyrst jákvæð viðbrögð, en svo kom synjun. Viðbrögð Seðlabankans eru sögð hafa komið á óvart.

Björn Ingi Hrafnsson
skrifar

Forsvarsmenn Landsbankans leituðu á náðir Seðlabanka Íslands fyrir helgi og óskuðu eftir fyrirgreiðslu um lán í endurhverfum viðskiptum að upphæð 500 milljónir evra, eða um 70 milljarða króna. Lögð voru fram veð fyrir láninu að upphæð 2,8 milljarða evra, en Seðlabankinn synjaði erindinu eftir yfirferð um helgina og tilkynnti Landsbankamönnum aðfaranótt mánudags. Í gær tók Fjármálaeftirlitið svo ákvörðun um að taka yfir stjórn Landsbankans og leysa bankaráð hans frá störfum.

Markaðurinn hefur heimildir fyrir því að þetta hafi verið í fyrsta sinn sem Landsbankinn óskaði eftir láni til þrautavara frá Seðlabankanum í samræmi við hlutverk hans sem banki bankanna. Beiðnin hafi verið sett fram fyrir helgi í kjölfar á veðköllum erlendra lánastofnana vegna lækkunar á lánsþæfismati íslensku bankanna og ríkisins í framhaldi af þjóðnýtingu Glitnis. Björgólfur Thor Björgólfsson, stærsti eigandi Landsbankans, fundaði um málið ásamt Davíð Oddssyni, formanni bankastjórnar Seðlabankans, á laugardag og töldu forsvarsmenn Landsbankans fram eftir þeim degi og á sunnudag að vel yrði tekið í lánsbeiðnina. Skyndilega hafi svo verið komið annað hljóð í strokkinn og beiðninni hafnað, skýringalaust og án



FYRIR STARFSMANNA-FUND Halldór J. Kristjánsson, bankastjóri Landsbanka Íslands, rétt fyrir starfsmannafund sem haldinn var í höfuðstöðvum bankans í Austurstræti í gær.

MARKAÐURINN/GVA

nokkurrar greinargerðar. Seðlabankinn hafi neitað ítrekuðum óskum um frekari skýringar eða fundi um stöðu mála. Af þeim sökum hafi ekki verið um annað að ræða á mánudag en leita til Fjármálaeftirlitsins í ljósi lausafjárstöðu bankans í erlendri mynt.

Markaðurinn hefur heimildir fyrir því að veðtryggingar sem lagðar voru fram til grundvallar lánsbeiðninni hafi numið 2,8 milljörðum evra. Í þeim pakka hafi meðal annars falist 500 milljarða króna skuldabréf hjá íslenskum lífeyrissjóðum, 800 milljarðar króna í skuldabréfum sem Evrópski seðlabankinn hefur metið veðhæf, íslensk íbúðalán og skuldabréf hjá erlendum fjármálastofnunum með góðri lánsþæfiseinkunn, annaðhvort AAA eða AA.

Viðmælendur blaðsins innan Landsbankans sögðu að viðbrögð Seðlabankans hefðu komið mjög á óvart, ekki síst neitun án nokkurra skýringa. Algjör skortur á gegnsæi við svo mikilvæga ákvarðanatöku minni á gagnrýni stjórnenda Glitnis á ákvörðun um þjóðnýtingu bankans og steinin hafi tekið úr þegar Seðlabankinn hafi ákveðið að veita Kaupþingi samþættilt lán að sömu upphæð og það gegn veðum í hlutabréfum í danski fjármálastofnun. Vandséð sé að jafnræði hafi verið gætt þegar þessi tvö mál séu borin saman.

Eimskipafélagið í uppnámi

Björgólfsfeðgar ráða ekki við kröfu á Eimskip vegna gjaldþrots XL Leisure.

„Þessi nýjustu tíðindi setja þetta mál í uppnám og við höfum ekki séð fram úr því,“ segir Sindri Sindrason, stjórnarformaður Eimskips, um kröfu á félagið vegna gjaldþrots XL Leisure.

Björgólfsfeðgar höfðu gefið yfirlýsingu um að þeir ábyrgðust kröfuna, en nú hafa forsendur breyst með yfirtöku ríkisins á Landsbanka og ósk Samsonar um greiðslustöðvun.

Fram kemur í tilkynningu frá Eimskipafélaginu að „óvissa“ ríki um kaup á kröfunni. Í ljósi þess að Samson eignarhaldsfélag, félag Björgólfsfeðga, sem átti ríflega 40 prósent í Landsbankanum, hafi farið fram á greiðslustöðvun, sé óvíst að þeir geti tekið kröfuna.

Sindri segir að krafan hafi ekki verið sett fram gagnvart félaginu og minnir á að til hafi staðið að breyta henni í víkjandi lán. Þau mál séu ókláruð. Unnið sé að sölu eigna Eimskipafélagins.

Þar á meðal er kanadíska fyrirtækið Versacold, en með því losnaði félagið við stóran hluta skulda sinna. Hins vegar mun salan ekki vera langt komin.



Falli ábyrgðin á Eimskipafélagið, en hún nemur yfir 200 milljónum evra, eða 26 milljörðum króna miðað við fast gengi Seðlabankans, gæti það haft mjög alvarleg áhrif á félagið.

Sindri segir að flutningastarfsemi félagsins sé í góðum rekstri og dagleg starfsemi sé tryggð. Hann kveðst vera bjartsýnn á framhaldið.

- ikh

GENGISÞRÓUN

	Vika	Frá áramótum
Alfesca	-4,7%	-12,4%
Atorka	-20,5%	-63,2%
Bakkavör	-36,9%	-77,0%
Exista	-23,7%	-76,8%
Glitnir	-16,5%	-82,7%
Eimskipafélagið	-3,3%	-88,8%
Icelandair	-14,9%	-42,5%
Kaupþing	-5,6%	-25,8%
Landsbankinn	-6,9%	-46,5%
Marel	-18,3%	-29,4%
SPRON	-25,6%	-78,6%
Straumur	-15,2%	-53,1%
Össur	-11,4%	-15,6%

*Miðað við lokagengi í Kauphöll í gær.

Gengi krónunnar fast

„Það áttu sér allnokkur viðskipti miðað við þetta gengi,“ sagði Geir H. Haarde forsætisráðherra eftir að ráðuneyti hans og stjórn Seðlabankans ákváðu að halda gengi krónunnar föstu tímabundið til að ná frekar tökum á gengis- og verðlagsmálum og draga úr verðbólgu. Miðað er við gengisvísitöluna 175.

Gengi krónu hafði fallið hratt síðustu daga eftir því sem gjaldeyrismarkaðurinn þurrkaðist upp. Á mánudag var miðgengi Seðlabankans óvirkt og var skráð gengi krónu gagnvart erlendum gjaldmiðlum tugum prósentum lægra en það raunverulega var. Útreikningar Markaðarins bentu til að gengið hefði fallið um rúm tuttugu prósent og hlýpi gengisvísitalan á 261 til 265 stigum í stað 206 stiga.

Nokkurs misræmis gætti enn í gær. Einn Bandaríkjadalur kostaði 98,9 krónur í lok dags í gær samkvæmt Seðlabankanum en 110 krónur samkvæmt



EIN KRÓNA Gengi krónunnar var haldið föstu í gær, meðal annars til að ná tökum á gengis- og verðlagsmálum.

Kaupþingi. Evran, sem kostaði 197 krónur á erlendum gjaldeyrismörkuðum á mánudag, kostaði í gær 134 krónur og hafði hækkað um þrjár krónur frá upphafi dags.

Selja í Sampo

Exista hefur selt 19,98 prósentu hlut sinn í finnska tryggingarísanum Sampo fyrir 1,3 milljarða evra, 225,7 milljarða íslenskra króna. Sampo kaupir átta prósentu stofnanafjárfestar rest.

Gengið var 11,5 evrur á hlut sem er um 20 prósentu afsláttur frá lokagengi bréfa í félaginu á mánudag. Bökfært tap Existu vegna sölnunar er 1,4 milljarðar evra. Lýður Guðmundsson, stjórnarformaður Existu, segir að við ríkjandi aðstæður á alþjóðlegum lánsfjármörkuðum sé nauðsynlegt að draga seglin saman. Morgan Stanley og Citigroup önnuðust sölnu.

Bakkavör pakkar samlokunni

Það er aldrei gott að þurfa að loka stöðum í tapi,“ segir Ágúst Guðmundsson, forstjóri Bakkavarar Group, en félagið lokaði í gær skiptasamningi sínum í matvælafyrirtækinu Greencore, umsvifamesta samlokuframleiðanda Bretlandseyja.

Skiptasamningur Bakkavarar hljóðaði upp á 10,9 prósentu hlut í Greencore. Honum var lokað á genginu 1,3 evrur á hlut.

Bakkavör flaggaði samningnum á fyrri hluta árs og tapaði 46,2 milljónum breskra punda, 7,3 milljörðum króna á þávirði, á honum.

Ágúst segir ástæðuna fyrir lokun samningsins afar erfiðar aðstæður á fjármálamörkuðum



ÁGÚST GUÐMUNDSSON Forstjóri Bakkavarar segir aðstæður á fjármálamörkuðum hafa valdið því að lokað hafi verið á fjármögnun vegna skiptasamnings félagsins í hlut samlokusins Greencore.

MARKAÐURINN/VILHELM

um þessar mundir. „Auðvitað eru þetta vonbrigði,“ segir hann en samningurinn muni ekki hafa áhrif á aðrar lánalínur félagsins.

- jab

Fjárfestar færa sig í framleiðslufélögin

Þeir sem enn hafa getu og taugar til að fjárfesta í hlutabréfum hafa nú margir hverjir snúið sér að framleiðslufyrirtækjum. Samkvæmt heimildum Markaðarins meta greiningardeildir til að mynda hlutinn í Marel á yfir eina evru. Eftir að gengi krónunnar var fest í gær kostar evran 131 krónu. Hluturinn í Marel kostaði hins vegar 72 krónur í Kauphöll Íslands í gær. Það hafa því myndast kaupþækifæri.

Þetta hefur ekki farið fram hjá stærstu hluthöfum félagsins sem hafa bætt við sig hlutum að undanfögnu. Eyrir ehf., stærsti hluthafinn í Marel, keypti á föstudag tvær milljónir hluta á genginu 81,4. Annar stærsti eigandi og jafnframt framkvæmdastjóri



ÁRNI ODDUR ÞÓRÐARSON Stjórnarformaður Marel hefur bætt við sig hlutum í félaginu í gegnum fjárfestingarfélagið Eyrir Invest.

MARKAÐURINN / GVA

Eyrir er Árni Oddur Þórðarson, stjórnarformaður í Marel Food Systems ehf. Á mánudag keypti svo Áning ehf. 1,7 milljónir hluta á genginu 77. Friðrik Jóhannsson er stjórnarformaður í Marel Food Systems ehf. og eigandi Áningar ehf.

- hhs

Fundum vin í austri

Rússar hafa veitt ríkinu lánsvilyrði fyrir fjórum milljörðum evra. Ríkisstjórnin leitaði eftir láni frá Rússum í sumar. Mjög óvenjuleg lánveiting, segir sérfræðingur hjá Finnlandsbanka.

Jón Aðalsteinn Bergsveinsson og Magnús Sveinn Helgason skrifa

„Við leitum til ákveðinnar vinaþjóðar eftir gjaldeyrisskiptasamningi og öðrum lánalínum vegna þeirra einstöku aðstæðna sem komnar eru upp. Við fengum ekki stuðning hennar. Þegar það gerðist urðum við að leita nýrra vina,“ sagði Geir H. Haarde forsætisráðherra á blaðamannafundi í gær. Geir sagði ekki hvaða vinaþjóð til margra áratuga hefði hafi snúið bakinu við málaleitan ríkisins, en hann var þar að líkindum að vísa til Bandaríkjanna.

Skiptasamningar eru enn í gildi á milli Seðlabanka Norðurlandanna og Íslands, þótt sú heimild hafi enn ekki verið nýtt. Norrænu bankarnir, sem Geir sagði hafa reynst „vini í raun“, gerðu eins og kunnugt er gjaldeyrisskiptasamning við bandaríska Seðlabankann fyrir nokkrum vikum, en Seðlabanki Íslands var ekki þar á meðal. Þá hafi sömuleiðis verið búist við láni frá evrópska Seðlabankanum, en ekkert heyrst frá honum.

Geir sagði ríkisstjórnina hafa leitað eftir lána-fyrirgreiðslu hjá Rússum í sumar og hafi verið staðfest í gærmorgun að íslenska ríkinu verði veitt fyrirgreiðsla upp á fjóra milljarða evra, jafnvirði 620 milljarða króna, á skráðu gengi Seðlabankans. Samkvæmt Seðlabankanum er lánið til allt að fjögurra ára á vöxtum sem eru 0,3 til 0,55 prósentum yfir Libor-millibankavöxtum. Samkvæmt Seðlabankanum hefur Vladímír Pútín, forsætisráðherra Rússlands, staðfest fyrirgreiðsluna. Geir sagði fulltrúa Íslands fara fljótlega utan til frekari viðræðna og sé ætlunin að skrifa undir samninga á næstu dögum.

Davíð Oddsson Seðlabankastjóri sagði í samtali við Bloomberg-fréttaveituna í gær að lána-fyrirgreiðslan væri ofmetin. Ekkert sé fast í hendi, viðræður séu að hefjast og eigi eftir að skrifa undir lán-samninga.

„Þetta er algjörlega einstakt. Rússar hafa, að því er ég kemst næst, ekki veitt nein sambærileg lán til erlendra ríkja,“ segir doktor Pekka Sutela, yfirmáður hagfræðirannsóknna hjá Finnlandsbanka, og helsti sérfræðingur bankans í rússneska fjármálakerfinu.



GEIR OG BJÖRGVIN Forsætisráðherra segir „ákveðna“ vinaþjóð til margra ára ekki hafa stutt við bakið á ríkisstjórn Íslands í hremmingunum og því hafi nýrra vina verið leitað.

MARKAÐURINN/GVA

„Hér á árum áður veittu Sovétríkin þróunar-ríkjum og leppríkjum sínum iðulega fjárhagslegan stuðning, en það er ljóst að þetta er ekki sambærileg aðgerð,“ segir Sutela, sem bendir á að Rússar hafi að undanförmu marglýst því yfir að þeir hyggt axla aukna ábyrgð á stöðugleika hins alþjóðlega fjármálakerfis og líklega væri rétt að líta á þetta sem fyrsta skrefið á þeirri braut.

Sutela segir að lánið sé mjög hátt í samanburði við aðgerðir rússneska ríkisins til stuðnings við fjármálalíf Rússlands. „Rússar hafa lofað um 100 milljörðum evra til að styðja við bakið á rússneskum bönkum og hlutabréfamarkaði. Þetta er mjög há upphæð og það er sama í hvaða samhengi það er athugað.“

Beat Siegenthaler, sérfræðingur hjá verðbréfa-fyrirtækinu TD í Lundúnum, segir enn fremur í samtali við Bloomberg, lána-fyrirgreiðsluna sýna vilja rússneskra stjórnvalda til að leggja lóð sitt á vogaskálarnar. „Raunar má spyrja hvers vegna Ísland fékk ekki svipaða fyrirgreiðslu hjá norrænu Seðlabankanum, evrópska Seðlabankanum eða Englandsbanka,“ segir hann.

Á mánudag fyrir viku tilkynnti ríkisstjórnin um 37 milljarða evra neyðarlán til rússneskra banka til að mæta erlendum skuldbindingum þeirra. Alþjóðlega lánsfjárfreppan hefur komið mjög illa við marga rússneska banka og fyrirtæki, og óttast er að margir rússneskir bankar kunni að komast í þrot. Fyrr í mánuðinum tilkynnti Pútín um 88 milljarða evra björgunaraðgerðir fyrir fjármálalíf Rússlands.

SÍMKERFI TIL LEIGU

EJS býður þér að leigja aðgang að símkkerfi af fullkomnu gerð!

HAGKVÆM LAUSN

- Engin fjárfesting í búnaði
- Ekki þörf á sérstökum símalínum
- Fjárfesting í gagnasamböndum nýtist til fulls
- Kostnaður verður þekktur og fyrirsjáanlegur
- Verð sem kemur þér á óvart!
- Hentar smáum sem stórum fyrirtækjum

SÍMKERFI AF FULLKOMNUSTU GERÐ

- Allar nýjustu tækninýjungar
- Sveigjanlegt símkkerfi
- GSM símar geta verið þráðlausir innanhússímar
- IP-vætt símkkerfi
- Hentar fyrirtækjum með dreifða starfsemi
- Mörg símtæki í boði

ÖRYGGI OG REKSTUR

- EJS sér um rekstur símkkerfisins
- Símkkerfið er hýst í fullkomnum hýsingarsal EJS
- Símkkerfið er vaktað 24/7

Það er til lausn á öllu

Opið 9-18 alla virka daga og 11-16 á laugardögum

www.ejs.is // Grensásvegi 10, Reykjavík / 563 3000 // Tryggvabraut 10, Akureyri / 463 3000



HVITA HÚSID/SIA

Mótum eigin framtíð Veljum íslenskt

Samtök iðnaðarins - www.si.is





ÁHYGGJUFULLIR STARFSMENN LANDSBANKANS Ýmsar spurningar brunnu á vörum starfsmanna Landsbankans sem mættu fulltrúum nýrra eigenda á fundi í matsal bankans í hádeginu í gær.

Markaðurinn/GVA

Björgólfur settur af eftir sex ára siglingu

Ævintýrinu sem hófst með kaupum Samson á Landsbankanum er lokið. Fjármálaeftirlitið vék bankastjórninni frá og tekur við stýrinu. Björgólfsfeðgar tapa sínum hlut eins og 25 þúsund aðrir hluthafar. Samson er í greiðslustöðvun og hefur tapað tugum milljarða króna. Lokað er fyrir úttektir á IceSave-reikningum í Bretlandi. Lausir endar eru margir.

Allir sem eru með baun milli eyrnanna gátu sagt sér þetta,“ sagði vonsvikinn starfsmaður Landsbankans eftir hádegið í gær.

Tilkynnt var um það snemma í gærmorgun að Fjármálaeftirlitið hefði, í krafti neyðarlaga sem Alþingi samþykkti í fyrrakvöld, tekið að sér stjórn Landsbanka Íslands.

Þar með er lokið ævintýri sem hófst fyrir sex árum með kaupum Björgólfsfeðga á Landsbankanum.

BJÖRGÓLFUR SETTUR AF
Óvíst er hvernig röð atburða var í fyrri-

nótt en eftir því sem næst verður komist hófst viðræður Fjármálaeftirlitsins við stjórnendur Landsbankans um leið og lögín voru samþykkt. Niðurstaðan varð sú að Fjármálaeftirlitið skipaði skilanevnd yfir bankana. Hana skipa Ársæll Hafsteinsson, Einar Jónsson, Lárentíus Kristjánsson lögmenn og Lárus Finnbogason og Sigurjón G. Geirsson endurskoðendur.

Í sömu andrá er bankaráði Landsbankans, þar sem meðal annars sátu Björgólfur Guðmundsson, helsti eigandi bankans, og Kjartan Gunnarsson, fyrrverandi framkvæmdastjóri Sjálfstæðisflokksins, vikið frá.

Bankanum verður áfram stýrt af Halldóri J. Kristjánssyni og Sigurjóni Þ. Árnasyni. Björgvin G. Sigurðsson viðskiptaráðherra fagnaði því á fundi með starfsmönnum Landsbankans í hádeginu í gær að þeir hefðu „fallist á“ að stýra bankanum áfram.

BANKINN ER EKKI GJALDPROTA

Fram kemur í tilkynningu Landsbankans til Kauphallarinnar í gær að bankinn sé ekki í gjaldþrotameðferð. Ákvæði gjaldþrotaskiptalaga ættu ekki við meðan skilanevndin færi með málefni bankans. „Á sama tíma verður ekki komið fram aðfararaðgerð eða kyrrsetningu gagn-

vart Landsbankanum“, segir í tilkynningunni.

Útibú Landsbankans voru enda opin í gær. Allir starfsmenn voru við störf og viðskiptavinir á leið inn og út úr bankanum.

STEINRUNNIR STARFSMENN

Starfsmennirnir stóðu steinrunnir, þöglulir en rólegir, í hádeginu í gær, og hlýddu á Björgvin G. Sigurðsson viðskiptaráðherra og Árna M. Mathiesen fjármálaráðherra í þéttskipuðum matsal Landsbankans á fjórðu hæð, við brúna yfir Hafnarstrætið. „Þið haldið ykkar hlut óskertum,“ sagði viðskiptaráðherra



KOSTAR ÞIG

EKKI KRÓNU!

MOMENTUM
greiðslu- og innheimtubjónusta

Milliinnheimta sem er kröfuhafa að kostnaðarlausu

Kynntu þér innheimtuaðferðir okkar á momentum.is

um laun starfsmanna og minnti raunar á að óskert kjör ættu ekki við það sem hann kallaði „ofur-laun“.

Spurningar starfsmannanna lutu einkum að lífeyrismálum, en fram kom í máli ráðherra að ekki hefði verið bundið fyrir alla lausa enda, en flestir gætu verið áhyggjulausir.

Um fimmtán hundruð manns starfa hjá Landsbankanum hér heima, í höfuðstöðvum og útibúum. Um sex hundruð til viðbótar starfa fyrir bankann á erlendri grundu.

HVER TAPAR EINNI OG HÁLFRI MILLJÓN

Hluthafar í Landsbankanum tapa öllu sínu eftir eiginlega þjóðnýtingu bankans. Í heild áttu um 25 þúsund manns hlutabréf í bankanum.

Markaðsvirði bankans við síðustu viðskipti var 218 milljarðar króna. Tuttugu stærstu hluthafarnir áttu yfir 180 milljarða af því, svo almennir hluthafar, venjulegt fólk, tapar í heildina hátt í 40 milljörðum króna. Hver og einn almennra hluthafa glatar því að jafnaði ríflega einni og hálfri milljón króna.

SAMSON Í GREIÐSLUSTÖÐVUN

Stærsti hluthafinn í Landsbankanum, Samson eignarhaldsfélag, hefur óskað eftir greiðslustöðvun. Félagið er í eigu Björgólfs Guðmundssonar og sonar hans, Björgólfs Thors, til helminga, en Magnús Þorsteinsson á ekki lengur hlut í félaginu. Félagið, sem upphaflega keypti bankann af ríkinu fyrir erlent fé, átti ríflega fjórutíu prósentu hlut. Markaðsvirði hlutarins var tæpir 93 milljarðar króna við lok síðustu viðskipta á föstudaginn var. Fyrir réttu ári nam markaðsvirði hlutar feðganna yfir 200 milljörðum króna.

Samson keypti ríflega 45 prósentu hlut í Landsbankanum af íslenska ríkinu 19. október árið 2002. Kaupverðið var 12,3 milljarðar króna að þávirði og var greitt í Bandaríkjadöllum. Ríkið nýtti kaupverðið til greiðslu erlendra skulda.

Fram kemur í tilkynningu frá Samson að greiðslustöðvunin hafi engin „bein áhrif“ á önnur félög í eigu feðganna.

Samson á aftur á móti óbeina hluti í Eimskipafélaginu, í gegnum Gretti og einnig hlut í Icelandic.

Björgólfur Guðmundsson á líka hluti í Árvakri og breska knattspyrnufélaginu West Ham. Þá hefur hann samið við Ríkisútvarpið um að taka þátt í kostnaði við innlenda dagskrárgerð.

LEGIÐ Á ÁRUNUM

Bankastjórar Landsbankans segja í tilkynningu að aðgerðum Fjármálaeftirlitsins sé ætlað að

vernda bankann tímabundið. Hugmyndin sé að standa skil á greiðslu skulda og annarra skuldbindinga sem kunna að falla í gjalddaga. Þá sé þegar hafin vinna við endurskipulagningu á starfsemi bankans.

Skammt er frá því að þrjár einingar Landsbankans voru seldar til Straums fyrir 380 milljónir evra. Greitt var fyrir með 50 milljónum evra í reiðufé, verðbréfum og nýjum lánum.

Ólafur Teitur Guðnason, upplýsingafulltrúi Straums, segist ekki gera ráð fyrir öðru en að samningurinn gangi eftir.

ICESAVE LOKAÐUR

Breskir viðskiptavinir Landsbankans sem hafa lagt fé inn á IceSave-reikninga komast ekki þar inn. Á vef Icesave er tilkynning þar sem segir að hvorki sé hægt að taka út né leggja inn.

Breskir fjölmiðlar fjlluðu mikið um málið í gær. Um þrjú hundruð þúsund Bretar munu eiga innistæður í bankanum. Landsbankinn neitar að veita upplýsingar um hversu mikið fé liggur þar inni. Heildarinnistæður í Landsbankanum námu við lok annars ársfjórðungs yfir eitt þúsund og sex hundruð milljörðum króna.

Jónas Þórðarson, framkvæmdastjóri Tryggingasjóðs innistæðueigenda og fjárfesta, segir að fyrirspurnir hafi borist frá Bretum. „Það hefur verið að koma svolítið frá breskum kúnum,“ segir hann en vill ekki gefa upp hversu margar fyrirspurnir hafa borist.

HUNDRUÐ MILLJARÐA Í HÚFI

Um 19 milljarðar króna eru í Tryggingasjóðnum en stjórn hans hefur heimild til lántöku hrökkvi sjóðurinn ekki til.

Sjóðurinn ábyrgist einstakar innistæður upp að lágmarkinu 20.887 evrur.

Sé gert ráð fyrir að hver viðskiptavinur IceSave eigi helming lágmarksupphæðarinnar á reikningi sínum, og Landsbankinn stendur ekki í skilum, má ætla að Tryggingasjóðurinn þurfi að standa skil á yfir 410 milljörðum íslenskra króna.

Þá er miðað við gengi Seðlabankans á evrunni, 131 króna.

ENGIN VIÐSKIPTI

Fjármálaeftirlitið lokaði fyrir öll viðskipti með hlutabréf í fjármálafrirtækjum á mánudagsmorgun. Viðskipti lágu enn niðri þegar Markaðurinn fór í prentun.

Engin svör hafa fengist frá Fjármálaeftirlitinu um hvort eða hvenær breytinga á þessu sé að vænta.

Þórður Friðjónsson, forstjóri Kauphallarinnar, vonar að það verði sem fyrst.



SAMSON-HÓPURINN Björgólfur Guðmundsson, Magnús Þorsteinsson og Björgólfur Thor Björgólfsson keyptu Landsbankann af íslenska ríkinu fyrir sex árum. Ríkið þjóðnýtti bankann í gær.

Hæðarstillanleg skrifborð



Verð frá kr. 60.600 (handknúin)
og kr. 82.200 (rafmagnsknúin)



kr. 77.900



Hirzlan

Smiðsbúð 6 210 Garðabæ Sími 564 5040

www.hirzlan.is

TOK

Vex með þínu fyrirtæki



TOK bókhalds- og launakerfið hentar stórum sem smáum fyrirtækjum. Með TOK getur þú byrjað með lítið kerfi sem hægt er að stækka eftir því sem fyrirtækið vex og dafnar. Kynntu þér kosti TOK.

MARKAÐURINN

Sögurnar... tölurnar... fólkid...

Umfangsmesta lagasetning Alþingis staðfestir mestu erfiðleika sem blasað hafa við íslensku efnahagslífi.

Erfiðleikar og tækifæri

Óli Kristján Ármannsson og Björn Ingi Hrafnsson

Mikil vonbrigði eru hvernig komið er fyrir bankakerfi þjóðarinnar. Eina vonarglætan er að Kaupþing hafi náð slíkri stærð og stöðuleika í rekstri sínum að hann fái mögulega staðið af sér þrengingarnar. Gríðarlega mikilvægt er fyrir íslenskt samfélag að hann verði ekki einnig þessum þrengingum að bráð.

Eftir stórhuga uppvöxt og mikla landvinninga síðustu ára þar sem bankarnir unnu ótúllega að því að dreifa landfræðilegri áhættu sinni stóðu íslenskar fjármálastofnanir við upphaf þrenginga á alþjóðlegum fjármálamörkuðum á margan hátt betur en sambærilegir bankar víða um heim. Ekki kannski síst fyrir umræðuvandann sem þeir lentu í árið 2006 sem leiddi til ákveðinna umbóta í rekstri þeirra.

Það er verðugt verkefni að meta hvort og þá hvernig stjórnvöld hér brugðust þeirri skyldu sinni að veita fjármálakerfinu nauðsynlegt bakland. Í þeim efnum voru tvær leiðir færar. Önnur var að efla gjaldeyrisvaraförða landsins samhliða vexti fjármálakerfisins. Hin hefði verið að stefna hér að upptöku evru, með öllu sem því hefði fylgt, aðildarviðræðum við Evrópusambandið og aðild að ERM II myntsamstarfinu sem er undanfari evruupptöku. Með því hefði strax verið komið bakland hjá Seðlabanka Evrópu.

Bankaviðskipti byggja á trausti og í árferði líku því sem ríkt hefur á alþjóðlegum fjármálamörkuðum er traustið í besta falli brothætt, en víðast hvar er það ekki einu sinni til staðar. Allir bankar eru viðkvæmir fyrir slæmum fréttum og áhlaupi í kjölfar þeirra, því enginn þeirra, hversu traustir sem þeir annars eru, geta endurgreitt öllum sparifjäreigendum á sama tíma. Sögur um greiðsluþrot banka, sannar eða lognar, geta því orðið að spádómi sem uppfyllir sig sjálfur, hlaupi allir á eftir þeim. Fullvissa þess að innistæður séu tryggðar eru þannig forsenda þess að komist verði hjá slíku áhlaupsástandi og þar kemur að hlutverki Seðlabanka sem lánveitandi til þrautavara með einkarétti á peningarentun á viðkomandi myntsvæði. Hér hafði vöxtur bankanna hins vegar leitt þá langt út fyrir myntsvæðið og þess vegna var öflugur gjaldeyrisvarasjóður nauðsyn.

Í þessu sambandi er þó rétt að staldra við mismunandi uppbyggingu innlánsreikninga íslensku bankanna. Það er mikill ábyrgðarhluti að hafa lagt íslenskar ábyrgðir að veði fyrir Icesave-netreikningi án nokkurrar opinberrar umræðu um það hér innanlands. Öðru máli gegnir um Kaupþing, sem veitti sín innlän gegnum breskt dótturfélag með bakhjarla í Englandsbanka. Af hverju brugðust Seðlabanki og Fjármálaeftirlitið ekki við í tíma? Hvers vegna blasir nú við íslensk ríkisábyrgð á 500 milljarða króna innistæðum breskra sparifjäreigenda? Það er erfitt að gagnrýna Landsbankann fyrir að hafa byggt upp slíkt innlánaakerfi, en enginn eftirlitsaðili sá nokkru sinni neitt athugavert við það.

Öll el styttr upp um síðir og ákaflega mikilvægt er að búa þannig um hnúta að ekki glattist með öllu ávinningur síðustu ára. Þá þurfum við að læra af reynslunni í þeirri uppbyggingu sem óhjákvæmileg er. Þá blasa við giska einfaldir kostir, annar er sá að leggja í þann gífurlega kostnað sem fylgir því að halda hér úti sjálfstæðum gjaldmiðli eða hinn að stefna þegar á samstarf Evrópuþjóða. Þá er vert að hafa í huga að hér starfa fleiri öflug fyrirtæki á alþjóðavísu en bankarnir einir. Nefna má verslunarfyrirtæki, flugfélög og framleiðslufélög sem skila miklum verðmætum til samfélagsins eða sjá því fyrir nauðsynlegri þjónustu, til að mynda hreinum nauðsynjum. Sárt væri að sjá slíka starfsemi fara á undan þjóðinni inn í Evrópusambandið. Farsælla væri að stíga þessi skref í takt um leið og stefnt væri að góðum aðildarsamningum.

Við atburði síðustu daga hafa margar spurningar vaknað. Fáir fyllast þó sem betur fer Þórðargleði yfir óförum annarra. Nú er samstaðan lyklatríði. Bæði hér innanlands og einnig út á við, þar sem erlendar vinabjóðir horfa nú upp á stórkostleg vandamál sjálfar og þykjast því eiga nóg með sitt. Rússar hafa nú brugðist við kalli okkar og hreyfing virðist komin á pólitískar tengingar á Norðurlöndunum. Meira þarf til, eigi viðunandi árangur að nást til heilla landi og þjóð.

bjorn.ingi@markadurinn.is | holmfridur@markadurinn.is | ingimar@markadurinn.is | jonab@markadurinn.is | msh@markadurinn.is | olkr@markadurinn.is | sindri@markadurinn.is

Björgunarblús

Það þarf engan snilling til að átta sig á að hagkerfi Bandaríkja – og heimsins alls – er í óreiðu. Og miðað við vandræðaganginn sem 700 milljarða dollara björgunaráætlunin gekk í gegnum áður en hún var samþykkt er einnig dagljóst að það ríkir ekki almenn sátt um hvernig best sé að laga vandann.

Vandi efnahagsins og fjármálakerfisins í Bandaríkjunum hefur blasað við árum saman. Samt leituðu leiðtogar Bandaríkanna til sömu manna og áttu stóran þátt í að skapa þann glundroða sem nú ríkir; manna sem komu ekki auga á vandann fyrr en þeir höfðu ýtt okkur á brún annarrar heimskreppu og hafa stokkið frá einni björgunaraðgerð til annarrar.

Aðgerðin sem samþykkt var á föstudag getur ef til vill bjargað Wall Street en hvað um efnahaginn? Hvað um skattgreiðendurna sem eru þegar að sligast undan fjárlagahalla sem á sér engin fordæmi og undan ógreiddum reikningum vegna brostinna innviða og tveggja stríða? Getur nokkur björgunaraðgerð borið árangur við þessar aðstæður?

GÖLLUÐ NÁLGUN

Björgunaráætlunin sem fulltrúadeildin hafnaði upphaflega, var vissulega mun betri en sú sem Bush-stjórnin lagði upphaflega til. En grunnálgun hennar var meingölluð. Í fyrsta lagi treysti hún – enn eina ferðina – á brauðmolahagfræði: ef nógu miklum peningum er dælt á Wall Street seytla þeir einhvern veginn að lokum til almennings. Brauðmolahagfræði virkar nánast aldrei og er ekkert líklegri til að gera það í þetta sinn.

Í öðru lagi gerði áætlunin ráð fyrir að grundvallarvandinn fælist í ofdirsku. Hún er tvímælalaust hluti af vandanum en rót vandans liggur í hrapallegri lánastarfsemi fjármálamarkaði. Það myndaðist bóla á fasteignamarkaði, húsnæðisverð rauk upp og lán voru veitt á grundvelli þess.

Bólan er sprungin. Húsnæðisverð á byggingalega eftir að lækka enn frekar og fleiri fara í þrot; því verður ekki breytt þótt menn reyni að tala markaðinn upp. Léleg lán hafa að sama skapi myndað stórar glufur í efnahagsreikningum bankanna sem verður að laga. En engin ríkisbjörgunaráætlun, sem greiðir sanngjarnt verð fyrir þessar eignir, á eftir að stoppa í þessi göt. Þvert á móti væri þetta eins og að dæla blóði í

ORÐ Í BELG

Joseph Stiglitz
Nóbelsverðlaunahafi
í hagfræði og
prófessor við
Columbia-háskóla.



sjúkling sem þjáist af miklum innvortis blæðingum.

Jafnvel þótt björgunaráætlun væri hrint fljótt af stað – sem virðist æ ólíklegra – yrði einhver samdráttur á lánastarfsemi. Bandarískur efnahagur hefur verið borinn uppi af mikilli neyslugleði, sem varð áfram með óhöflegum lántökum. Það á eftir að draga úr því. Ríki og sveitarfélög eru að skera niður útgjöld. Fjárhagur heimilanna er lakari. Það eykur allan fjárhagsvanda okkar þegar hjól efnahagslífsins snúast hægar.

MEIRI ÁRANGUR FYRIR MINNA FÉ

Hægt væri að koma meiru í verk fyrir minna fé. Glufur á efnahagsreikningum bankanna mætti fylla á gagnsæjan hátt. Norðurlönd sýndu hvernig það má gera fyrir tveimur áratugum. Warren Buffet sýndi fram á aðra leið þegar hann jók eigið fé Goldman Sachs. Ef ríkið eykur forgangshluta með kauprétti er hægt að draga úr hættunni á tapi fyrir almennung en tryggir honum jafnframt hlut í mögulegum gróða. Að auki myndi þetta tryggja bæði hvata og fjármagn til að lánastarfsemi geti haldið áfram.

Með þessari aðgerð væri líka óþarfi að ráðast í þann ógjörning að reyna að meta milljónir flókinna veðlana og enn flóknari skuldavöndla sem þau eru vafin í. Með þessu móti kaupir heldur enginn köttinn í sekknun – ríkið situr uppi með verstu eða ofmetnustu eignirnar. Síðast en ekki síst er hægt að hrinda þessari aðgerð fljótt í framkvæmd.

Um leið er hægt að grípa til ýmissa ráða til þess að koma í veg fyrir að ganga þurfi að veðum. Í fyrsta lagi er hægt að gera húsnæðis kaup viðráðanlegri fyrir Bandaríkjamenn með lágar- og miðlungstekjur með því að veita fólki skattaívilnanir á móti rýrnandi veðhæfi húsa. Ríkið greiðir í reynd 50 prósent af vöxtum veðlana með fasteignasköttum hátekjufólks í Bandaríkjunum en gerir ekkert fyrir þá efnaminni. Í öðru lagi þarf að gera húseigendum kleift að afskrifa hluta

af verðmæti eigna sinna, svo þeir haldi heimili sínu. Í þriðja lagi gæti ríkið yfirtekið hluta af húsnæðisskuldum og fært sér í nyt lægri lántökukostnað þeirra.

700 MILLJARÐAR HRÖKKVA EKKI TIL

Nálgun Henry Paulson fjármálaráðherra er hins vegar enn eitt fjárhættuspilið á borð við þau sem steypu Bandaríkjunum í skuldir. Fjárfestingarbankar og matsfyrirtæki trúðu á fjárhagslega gullgerð – að það væri hægt að búa til mikil verðmæti með því að skera upp veðbréf. Hið nýja viðhorf er að það sé hægt að búa til verðmæti með því að taka þessa gjörninga aftur – að kippa þessum eignum út úr fjármálakerfinu og fela þær ríkinu. En til þess þarf að greiða meira fyrir eignirnar en verðmæti þeirra nemur, enginn græðir á því nema bankarnir.

Ef slíki áætlun er hrint í framkvæmd er líklegra en ekki að bandarískir skattgreiðendur sitji að lokum í súpunni. Í umhverfishagfræði er ein grundvallarregla sem kveður á um að mengarinn borgar. Það snýst bæði um sangirni og skilvirkni. Wall Street hefur mengað hagkerfið með eitruðum veðlámum. Wall Street ætti því að borga fyrir hreinsunina.

Meðal hagfræðinga er vaxandi skilningur á að engin björgunaráætlun sem byggir á hugmyndum Paulsons sé vænleg til árangurs. Gríðarleg aukning á skuldum þjóðarbúsins, ásamt því að menn gera sér grein fyrir að 700 milljarðar dollara eru ekki nóg til að bjarga efnahag Bandaríkjaanna, grefur undan sjálfstrausti þeirra og gerir þau enn veikari.

En á erfiðleikatímum sem þessum er ómögulegt fyrir stjórnvöld að adhafast ekkert. Við verðum því að biðja og vona að samkomulag sem samanstendur af eitradri blöndu sérhagsmuna; misráðinni hagfræði hugmyndafræði hægri-manna, sem komu okkur í núverandi klemmu, geti einhvern veginn leitt af sér björgunaráætlun sem ber árangur – eða veldur að minnsta kosti ekki miklum skaða ef hún misheppnast.

Að gera hlutina rétt – þar á meðal innleiða nýtt reglugerðakerfi sem dregur úr líkunum á að svona ófremdarástand skapist á ný – er eitt af mörgum verkefnum sem biður næstu ríkisstjórnar.

Millifyrirsagnir eru blaðsins. ©Project Syndicate

ORÐSKÝRINGIN

Viðskiptavild

Í tengslum við fjárhagsvandæði bankanna hefur hugtakið viðskiptavild nokkuð komið upp og hefur mátt skilja að það sé jafnvel eitthvað óeðlilegt við að hún sé bókfærð til eigna. Viðskiptavild er hluti óefnislegra eigna fyrirtækja, en samkvæmt árs-helmingsuppgjörum íslensku bankanna námu bókfærðar óefnislegar eignir þeirra í júnílok 2008 alls 188 milljörðum króna, eða rétt um einu prósent af eignum bankanna. Í ársskýrslum bankanna er ekki greint á milli góðvildar og annarra óefnislegra eigna, svo sem notkunarréttinda að tölvuhugbúnaði.

Munurinn á viðskiptavild og öðrum óefnislegum eignum felst í því að verðleggja má flestar tegundir óefnislegra eigna, svo sem verðmæti vörumerkja, þróunarstarf eða notkunarréttindi að hugbúnaði, en viðurkenndar reglur eru um hvernig meta á verð slíkra eigna. Viðskiptavild er hins vegar aðeins hægt að sjá sem afleidda stærð við




sölu á fyrirtækjum. Viðskiptavild er stundum hugsuð sem verðmæti viðskiptasambanda.

Í sem stystu máli er viðskiptavild þá sú afgangssterð, munurinn á kaupvirði fyrirtækisins og bókfærðs verðs á öllum eignum og skuldum fyrirtækisins. Samkvæmt reglum þarf að endurmeta bókfært virði viðskiptavildar í hvert skipti sem grunur leikur á að hún hafi breyst, en í það minnsta einu sinni á ári. Flest fyrirtæki endurmeta því verðmæti viðskiptavildar árlega.


ÚTGÁFUPLAG: 365 – prentmiðlar RITSTJÓRAR: Björn Ingi Hrafnsson og Óli Kr. Ármannsson RITSTJÓRN: Hólmfríður Helga Sigurðardóttir, Ingimar Karl Helgason, Jón Aðalsteinn Bergsveinsson, Magnús Sveinn Helgason, Sindri Sindrasson AUGLÝSINGARSTJÓRN: Jón Laufdal RITSTJÓRN OG AUGLÝSINGAR: Skaftahlíð 24, 105 Reykjavík. AÐALSIÐI: 512 5000 SIMBREF: 512 5301 NETFÖNG: ritstjorn@markadurinn.is og auglisingar@markadurinn.is VEFANG: vísir.is UMBROT: 365 – prentmiðlar PRENTVINNLA: Ísafoldarprentsmíða ehf. DREIFING: Pósthúsið ehf. dreifing@posthusid.is Markaðinum er dreift ókeypis með Fréttablaðinu á heimili á höfuðborgarsvæðinu, Suðurnesjum og Akureyri. Einnig er hægt að fá blaðið í völdum verslunum á landsbyggðinni. Markaðurinn áskilur sér rétt til að birta allt efni blaðsins í stafrænu formi og í gagnabönkum án endurgjalds.

Fljúgðu til London
kl. 8:00 að morgni...

...og komdu heim kl. 21:50
að kvöldi sama dags



Reykjavík



Reykjavík

Tími er peningar



Með Iceland Express kemstu út og heim aftur samdægurs og sparar þannig tíma og kostnað. Fyrirtækjasamningur við Iceland Express tryggir svo hagstæðara verð og eykur þægindi.

Iceland Express
með ánægju

www.icelandexpress.is

Óttast heimskreppu

Robert B. Zoellick, bankastjóri Alþjóðabankans, sagði á mánudag að ástand heimshagkerfisins væri slíkt að nú þyrfti lítið til þess að það steyptist í allsherjar efnahagskreppu sem einstaka ríkisstjórnir myndu eiga erfitt að koma böndum á.

„Atburðir septembermánaðar kunna að hafa verið vendipunkturinn fyrir mörg iðnvædd ríki.“ Zoellick spáði því að vaxandi vandamál kynni að setja af stað „fjöldagjaldþrot og hugsanlega frekari bankakreppur“. Zoellick sagði að fjármálakreppan væri eitt af alvarlegustu viðfangsefnum



ROBERT ZOELICK Bankastjóri Alþjóðabankans, Robert Zoellick, segist óttast að heimskreppa muni bitna þýngst á hinum fátækustu.

MARKAÐURINN/AP um sem Alþjóðabankinn og Alþjóðagjaldeyrissjóðurinn hafa glímt við. - msh

Bandaríski seðlabankinn kaupir skuldabréf

Seðlabanki Bandaríkjanna tilkynnti á þriðjudag að hann hygðist kaupa skammtímaskuldabréf fyrirtækja og að fjármálaráðuneytið muni gangast í ábyrgð gagnvart seðlabankanum fyrir þessum bréfum. Í tilkynningu seðlabankans segir að þessi aðgerð sé „nauðsynleg til að koma í veg fyrir alvarlegar truflanir á fjármagnsmörkuðum og efnahagslífinu“.

Undanfarið hafa peningamarkaðs- og hlutabréfasjóðir, ásamt öðrum fjárfestum, sem vanalega kaupa skuldabréf fyrirtækja, kippt að sér höndum sökum lánsfjárræppunnar, og mörg bandarísk fyrirtæki hafa því ekki getað tryggt sér skammtímalánsfé, en skortur á skammtímafjármögnun sé farinn að ógna afkomu margra

annars tryggra fyrirtækja, þeirra á meðal General Electric.

Ákvörðun seðlabankans er lýst sem „róttækri“ tilraun til að koma hjólum atvinnulífsins af stað, en þetta er í fyrsta skipti í sögunni sem seðlabanki Bandaríkjanna kaupir venjuleg skuldabréf beint af fyrirtækjum.

Edda Rós Karlsdóttir, yfirmaður greiningardeildar Landsbankans, segir að þetta sé enn eitt dæmið um hvernig lánsfjárræppan hafi breytt starfssviði seðlabanka. „Með þessu er bankinn í rauninni kominn í hreina útlánastarfsemi, sem hefur hingað til verið hlutverk viðskiptabanka. Í dag eru seðlabankar ekki aðeins lánveitendur til þrautavara heldur eru þeir beinlínis orðnir eini mögulegi lánveitandinn.“ - msh

Kominn aftur í vatnið

„Ég þekki vatnið vel,“ segir Stefán Á. Magnússon, nýráðinn framkvæmdastjóri fjármálasviðs Icelandic Water Holdings.

Fyrirtækið framleiðir átappað vatn á flöskum í Hlíðarenda í Ölfusi undir merkjum Icelandic Glacial en bandaríski drykkjavörurinn Anheuser Busch á tutugu prósent í fyrirtækinu.

Fyrirtækið vígði nýtt fram-

leiðsluhúsnæði þar á föstudag en stefnt er að því að flytja þangað alla starfsemina hér á landi.

Stefán fer austur fyrir fjall frá Eimskipafélaginu, en hann var aðstoðarforstjóri samstæðunnar og framkvæmdastjóri fjármálasviðs í sex ár. Þaðan ákvað hann að hverfa á braut í maí þegar Gylfi Magnússon settist í forstjórastólinn.



STEFÁN Á. MAGNÚSSON

aftur til vatnsins.

Áður en Stefán kom til Eimskips var hann fjármálastjóri Þórsbrunnis, sem framleiðir vatn, undir merkjum Iceland Spring, til tveggja ára og má því segja að hann hafi snúið - jeb

network

enterprise europe



European Commission
Enterprise and Industry



enterprise europe network
Aðstoð til atvinnu

Leiðum saman þekkingu, tækni og fólk!

Enterprise Europe Network á Íslandi verður opnað föstudaginn **10. október kl. 14:30-16:00** í húsnáðum Útflutningsráðs að Borgartúni 35, 6. hæð.

Evrópumiðstöð Impru á Nýsköpunarmiðstöð Íslands, **Rannís** og **Útflutningsráð** standa að Enterprise Europe Network samstarfsnetinu á Íslandi, en það hefur það að markmiði að styrkja lítil og meðalstór fyrirtæki í Evrópu til nýsköpunar og leiða saman þekkingu, tækni og fólk.

Dagskrá opunarinnar

- Berglind Hallgrímsdóttir framkvæmdastjóri Impru á Nýsköpunarmiðstöð Íslands flytur ávarp
- Dr. Þorsteinn Ingi Sigfússon forstjóri Nýsköpunarmiðstöðvar Íslands fjallar um orku, tækni og framtíðarsýn
- Dr. Ólafur E. Sigurjónsson fjallar um stofnfrumrannsóknir á Íslandi og Evrópusamstarf
- Samstarfssamningur undirritaður og heimasíða Enterprise Europe Network á Íslandi opnuð.

Allir velkomni! Nánari upplýsingar og skráning á www.nmi.is/evropumidstod.

ICELANDAIR CARGO



LÍTIL GENGISÁHÆTTA

Verðþróun og gengisbreytingar eru þættir sem ráða miklu um afrakstur af viðskiptum. Flugfrakt er hagkvæmur og hraðvirkur flutningsmáti sem opnar þér leið til að minnka viðskiptaáhættu vegna gengisbreytinga.

MIKIL GENGISÁHÆTTA

BEINT FRAKTFLUG - 24 ÁFANGASTAÐIR Í EVRÓPU, BANDARÍKJUNUM OG KANADA.

WWW.ICELANDAIRCARGO.IS

BANKHÓLFID

Innmaturinn klassískur

Forkólfar í íslensku efnahags- og viðskiptalífi ættu að taka sér einn af forstjórum smærri fjármálafyrirtækjanna til fyrirmyndar. Sá snæddi lambahjórtu um helgina, fyllt með sveskjum og matreidd með sama sígilda hætti og mæður landsins hafa gert frá næstsíðustu aldamótum. Innmat- ur er næringargóður og ódýr, kostar eitthvað í kringum tvö hundruð krónur kílóíð. Á þessa gæðamáltíð hallaði talsvert í uppsveiflunni þegar fjármála- gúrúarnir dreyptu á dýrustu vínunum með einum sveittum og greiddu fúlgur fyrir. Nú þegar uppsveiflan hefur tekið sveig í andstæða átt er ekki úr vegi að dusta rykið af innmatnum og fara í Ámunu.



Gruggug jól

Og talandi um vín. Þeir sem sjá ofsjónum yfir verði á góðu vínu en ætla að spara sér aurinn og leggja í einn eða tvo kúta af heimagerðu léttvíni fyrir jólin eru orðnir of seinir. Þeir sem til þekkja vita að tvo mánuði hið minnsta tekur að búa til eina blöndu af hvít- og rauðvíni úr þeim efnunum sem til eru. Vinið þarf svo að liggja í sex til átján mánuði á flöskum áður en það nær þeirri dýpt sem hægt er að kreista úr heimagerðu bruggi. Hinir forsjálu, sem sáu fyrir að krónan myndi hoppa fram af bjargbrúninni nú í haust, hefðu þurft að leggja í í fyrrasumar í fyrsta lagi. Hinir, sem fóru í röðina í Ámunni fyrir helgi, verða að snæða ham- borgarhrygginn með gruggugri léttvins- blöndu beint úr tunnunni á að- fangadag.

Amma gúru

Hryllingssögur um gjaldprot og allsherjar eynd kæfa nú allt bjartsýnishjal. En sögur um hversdagshetjur slæðast þó líka með. Ónefnd amma í vesturbænum keypti evrur fyrir allt sitt sparifé, um það leyti er gengi krónunnar var sem sterkast. Tilfinningin og lífsreynslan sagði henni að eitthvað hlyti nú litla krónan að fara að gefa eftir. Og sú tilfinning var því miður ekki byggð á móðursýki. Um nokkurra mánaða skeið, mjatlaði konan ráðagóða út aurum handa börnum og barnabörnum. Eftir því sem á leið urðu aurarnir að smáfúlgum, enda stefndi krónan í sortann og fjárhagur afkomendanna þyngdist jöfnum takti. Enn plokkar konan krónur af sparifénu án þess að leggja inn. En alltaf á hún jafnmarg- ar krónur.

4,7 prósent er meðalverðbólga innan OECD-rikk- anna í ágúst. Langhæst var hún hér á landi 14,5 prósent, en minnst í Sviss, 2,9 prósent.

50 þúsund pund, eða rúmar átta milljónir króna, er upphæðin sem innlán breskra sparifjáreigenda er tryggð upp að.

200 milljarðar króna er upphæðin sem lífeyrissjóðirnir gætu mögulega losað um í erlendum eignum til styrkingar gjalddeyrisvaraforðanum.

FRÉTTABLAÐIÐ

VESTMANNAEYJAR TIL HAMINGJU

– Fréttablaðið fæst nú á miklu fleiri stöðum í Eyjum

Fréttablaðið hefur stórbætt dreifingu sína í Vestmannaeyjum og nú er hægt að nálgast blaðið viðsvegar um bæinn í þar til gerðum Fréttablaðskössum. Eyjamenn, látið ekki mest lesna dagblað landsins framhjá ykkur fara!

Til hamingju Vestmannaeyingar.

<p>Fréttablaðskassar</p> <p>Sunnan við Áshamra 22 Milli Áshamra 27–41 Sunnan við Foldahraun 40 Við Hrauntún 2 Við Höfðaveg 44 Við Bröttugötu 23 Norðan við Höfðaveg 3 Við Fjólugötu 1 Við Birkihlíð 22 Vestan við Helgafellsbraut 15 Vestan við Illugagötu 17 Við Hólagötu 19 Við Búhamra 38–40</p>	<p>Afhent í verslanir</p> <p>Klettur, Strandvegi Kráin, Boðaslóð 12 Olís, Græðisbraut 12 Ísjakinn/Bónusvideó, Brimhólabraut 1 Flugkaffi, Vestmannaeyjaflugvelli Toppurinn, Heiðarvegi 10 Tvisturinn, Faxastíg 36 N1 Skýlið, Friðarhöfn Vöruval, Vesturvegi 18 11/11 Krónan Herjólfur, ferjan</p>
--	---

Einnig bendum við á að hægt er að lesa Fréttablaðið sem pdf inni á visir.is
Nánari upplýsingar færð þú á www.visir.is/dreifing

Óskir þú frekari upplýsinga eða vilt koma á framfæri óskum um uppsetningu Fréttablaðskassa bendum við þér á að hafa samband við Pósthúsið á dreifing@posthusid.is eða í síma: 585-8330.

Allt sem þú þarft... ...alla daga

Hvers vegna PwC?

*connectedthinking

Þekkingarfyrirtæki í fremstu röð á Íslandi og leiðandi á alþjóðavettvangi.

- Endurskoðun
- Fyrirtækjaráðgjöf
- Skatta- og lögfræðiráðgjöf

Reykjavík - Akureyri - Húsavík - Selfoss - Reykjanesbær www.pwc.com/is

PRICEWATERHOUSECOOPERS